

禹縣縣志

侯慕彝題

慕彝

禹縣縣志 卷十 記述

禹縣志卷十

祀典志

語云國之大事在祀制禮之初率爲報饗風雲雷雨屬之天神水火土穀屬之地祇帝王聖賢屬之人鬼皆以功德可祀非必以其精靈能禍福人也而人亦因之自攝其心所謂體物不遺使天下之人齊明盛服承祭如在也考禹祀典乾隆邵志詳載儀則器數而道光朱志削之豈非以舉國通禮無庸獨詳於一州縣乎昔章學誠答甄秀才論修志書曰學校祭祀一切開載會典者苟州縣所常舉行豈可因而不載會典簡帙浩繁購閱非易使散在州縣各

志則人人可觀豈非盛事況州縣舉行之典不過多費糜
粟十餘枚耳今志多刪不載未知所謂今謹遵章氏之議
於宋志所刪者仍依邵志錄入此亦告朔不行餼羊不去
區區愛禮之意也

聖廟 謹案王應麟困學紀聞崇儒攷梁天監四年初立
孔子廟唐武德二年始詔國子監立廟貞觀四年詔州
縣皆作孔子廟禹之 聖廟始址舊傳在治之西北金
貞元中知鈞州完顏守信移建於東街大安三年重修
趙銖作記後燬於兵元至元初知州李瑞文重修二十
三年監州州尹王顯祖始移建於治之西南明弘治七

年知州董傑重修規制加宏做嘉靖三十九年知州邱
罄重修天啟元年知州莫天麟創建奎樓泮池明末殿
宇燬於寇清初分巡大梁道張自昌知州蔡永華朱裴
重建制中爲大成殿左右兩廡前爲戟門又前爲櫺星
門爲泮池規模粗備順治十八年知州史廷桂請之巡
道更加修葺建三坊泮池前康熙二十四年西廡燬知
州劉國儒重修范崑作記五十六年學正孫用正重修
戟門東廡及省牲所又移增櫺星門外石欄磚牆後西
廡圯僧生宋琮等出貲捐修雍正元年知州屠用謙統
加重修乾隆四十七年知州李大霽重修並自作記道

光二十六年知州李嘉禮重修光緒二十三年知州李

樹基重修

聖廟神位皆有木主而大成殿聖哲並有像設從舊制也
顧炎武日知錄像設條云嘉靖九年詔革先師孔子封爵
聖像有司依違多於殿內添砌一牆置像於中以塞明詔
而此條前云尸禮廢而像事興然則像設固緣尸禮之遺
意也 顧氏原注漢文翁成都石室設孔子坐像其坐斂蹠
氏曰今曲阜孔林猶有大塑像又孔氏有畫本傳是子貢
所畫晉顧凱之重摹其信然耶若唐吳道子畫先聖立像
行像及七十二弟子像統州府學有石刻南宋太學之遺
也左暄曰后稷廟所鑄金人明堂四門墉所畫堯舜桀紂
周公抱成王以朝諸侯之圖見於家語越王命工以良金
寫范蠡之狀而朝禮之見於國語若孔子之有畫像其來

已久漢景帝時太守文翁作石室刻石像韓敕修孔廟後
碑立於桓帝永壽三年而碑中有改畫聖像語後漢書蔡
邕傳靈帝光和元年置鴻都門學畫孔子及七十二弟子
像此見於史書及金石之文可考者至塑像則不知其所
始或疑肇自魏兗州刺史李仲璇然興和三年仲璇
修孔子廟碑第云修建容像則固不自仲璇始矣

禹之聖廟有像莫知其始而其復之則有王冕文廟復像記

康熙九年閏二月二十一日州帖到學帖稱朝廷從提
督順天學正蔣公趙之議先聖賢遺像已經嘉靖年間
易主奉祀已久見今立碑祭祀若金壇等處見存有遺
像者應行該學道查出安設帖到學正吉先生爰集諸
生賈元勳艾際午等復郡守高公日康熙七年冬修名
宦祠祠後伐士艾許先師四配十哲像或立或卧於其
中間風觀者絡繹不絕亦不敢設立亦不忍掩埋見今
暴露公即率僚屬詣其處而拜之即日委先生與別駕
龍公安設但埋沒日久顏色浸落衣冠殘缺又遣工人
劉紀之鄆陵規其舊像而補飾之絢彩之設像之臺其
砌以疏磚緣以條石又新其殿宇聖其牆壁自本年三
月二十二日經始迄八月朔二日工成而祀之諸生稱

三
觴再拜向公謝曰嘉靖間易主者恐不肖其真容且別於浮屠淫祠尊先師也蔣公疏請復遺像者不忍奉行者之不善而襲其像亦尊先師也公與吉先生泊別駕龍公州尉張公敬敏其事其尊先師也億萬斯年俾禹人士觀溫良恭儉讓之德容儼若登曲阜之堂與四配十哲諸賢相親炙而侍側焉愈以思公之德與吉先生於不朽云公諱良弼垣曲人先生諱祥商邱人龍公諱雲翀當塗人張公諱予初高密人

又大成殿聖座東偏更有石刻畫像徐明善跋

元延祐己未間湖南

永州東安縣儒學教諭廬江伍祿孫得五十一代孫濟陽簿公諱元裕家藏魯司寇遺像為真乃刊於石明善摹臨已久茲牧釣陽復命鐫之以永其傳大明正統八年歲舍癸亥十月哉生明河南開封府鈞州知州邵陽徐明善載拜謹識

聖廟祭日定於每歲仲春仲秋上丁
聖賢位次圖

先賢有子若
先賢卜子商
先賢仲子由
先賢端木子賜
先賢冉子雍
先賢閔子損

復聖顏子
述聖子思子

至聖先師孔子

宗聖會子
亞聖孟子

先賢冉子耕
先賢宰子予
先賢冉子求
先賢言子偃
先賢顯孫子師
先賢朱子熹

崇聖殿位圖

雍正元年四月奉旨自叔梁公以上凡五代並封為王爵其啟聖祠向繫專祀叔梁公今合祀五代應更名為崇聖

祠

伯夏公昌聖王

祈父公裕聖王

木金父公肇聖王

防叔公諡聖王

叔梁公啟聖王

東配先賢 孔氏 顏氏 無繆 孔氏 鍾

西配先賢 曾氏 鮑 盧 孫 氏 懿

東廡先儒 周氏 輔成 程氏 頤 蔡氏 元定

西廡先儒 張氏 朱 氏 松

祭品陳設圖

至聖先師位 帛 篚

爵 大羹 登

爵 和美 鉶

小燭

栗

芡

榛

菱

形鹽

蒙魚

黍

稷 簠

棗 邊

豕

鹿脯

八

羊

大燭

香 鼎

爵

和美 鉶

稻

梁 簋

小燭

菲俎

醯醢

菁俎 豆

芹俎

鹿醢

兔醢 八

芹俎

魚醢

牛

大燭

每位一壇

栗 芡 棧 菱 鹿脯 八羊
 形鹽 藁魚 棗 蔓 中燭
 爵 和羹 鉶 黍 稷 簋
 四配位 帛 篚 爵 稻 梁 簋 香 鼎
 爵 和羹 鉶 蕕 俎 醯 醢 菁 俎 豆 中燭
 芹 俎 鹿 醢 兔 醢 八 豕
 芹 俎 魚 醢


東西各一壇

栗 鹿脯 四 羊
 形鹽 棗 蔓 酒 盞 香 中燭
 爵 黍 簋
 十二哲位 帛 篚 爵 和羹 鉶 黍 稷 簋
 爵 菁 俎 鹿 醢 豆 兔 醢 四 豕 中燭
 芹 俎 芹 俎 魚 醢

東西各一壇



崇聖位帛篚爵



崇聖

配
帛
篚
爵

黍
簋

形
鹽

棗

籩

小
燭

栗

鹿
脯

四

酒
盞

香

稷
簋

菁
俎

鹿
醢

豆

小
燭

芹
俎

兔
醢

四

栗

鹿
脯

四

羊

形
鹽

棗

籩

小
燭

黍
簋

香

名宦
帛
篚
爵

稷
簋

菁
俎

鹿
醢

豆

豕

芹
俎

兔
醢

四

小
燭



右祭品陳設圖悉依乾隆卻志蓋乾隆十二年所刊也攷
 清通典乾隆十八年八月上丁親詣太學釋奠行禮如儀
 先是改定太學春秋丁祭大成殿內十二哲東西各少牢
 一兩廡各少牢三崇聖祠四配兩廡東西各少牢一至是
 又改定兩廡各少牢二又向例十二哲東西各篚一帛一
 未免太簡應照崇聖祠配位各異帛之例每位一帛東西
 共篚二

祭器

祝版 一 簠 三 簋 三 籩 十 豆 一百 登 一 釧 十 雲雷
竹器 一百 木器 一百二十二
 尊 一 象尊 一 犧尊 一 銅爵 三 磁爵 六 牲俎 十九 肉盤
木器 二十九

木器 鼎十 篚二十 盥盆 帨巾 三 燭臺 十九 毛血盆 九
祭品

庭燎 檀香 香燭 酒帛 牛 豕 羊 鹿

太羹 和羹 黍 稷 稻 粱 形鹽 鱘魚 榛

栗 棗 鹿脯 白餅 黑餅 韭俎 芹俎 醯醢

鹿醢 兔醢 魚醢 豚胎

儀注

前一日正獻官分獻官陪祀官宿齋戒所省牲次日昧爽集大成門外通贊唱執事者各司其事樂舞生就班從祭諸生各就位分獻官就位陪祀官就位正獻官就位

引就 遍唱瘞毛血執事者由中門出捧瘞坎地進饌陪通迎神樂奏

咸平之曲舞無樂起通行三跪九叩禮俟樂止通奠帛行

初獻禮樂奏寧平之曲舞應之樂起通盥洗引詣盥洗

所盥手淨巾詣酒尊所司尊者舉罍酌酒詣

至聖先師神位前引跪上香獻帛初獻爵一叩立詣讀祝

位跪外通陪祀官皆跪讀祝畢一叩立詣復聖顏子神

位前引儀如前承祀內祭四分獻官俱照儀復位皆立

俟樂止通行亞獻禮樂奏安平之曲舞應之樂起引儀如前俟

樂止通行終獻禮樂奏景平之曲舞應之樂起引儀如前皆

復位立俟樂止通飲福受胙引詣飲福受胙位跪飲福

受胙一叩立復通唱徹饌樂奏咸平之曲俟樂止通唱送神
樂奏咸平之曲行三跪九叩禮通唱望瘞執帛者捧帛讀
祝者捧祝各詣瘞所望瘞復位禮畢

樂器

麾一 金鐘六 玉磬六 應鼓一 搏拊二 祝一 敔一 琴二 瑟二
鳳簫二 笙二 笛二 壎二 以上樂生所司

舞器

節二 羽三十 籥三十 以上舞生所執

樂名數

工歌四人 奏樂二十四人 舞三十六人 樂舞生共六十四

名乾隆六年奉文增八名以備事故更替

祝文書於版維某年某日河南某官某敢昭告於

至聖先師孔子曰維 先師德隆千聖道冠百王揭日月

以常行自生民所未有屆文教昌明之會正禮和樂節

之時辟雍鐘鼓咸恪薦於馨香泮水膠庠益致嚴於遵

豆茲當春秋仲祇率夔章肅展微忱聿將祀典以

復聖顏子 宗聖曾子 述聖子思子 亞聖孟子配

尙

饗

樂章歌詞 乾隆元
年頒

春祭樂章 夾鐘爲宮 應鐘起調

秋祭樂章 南呂爲宮 仲呂起調

迎神 咸平

大哉孔子 先覺先知 與天地參 萬世之師 祥徵

麟鞞 韻答金絲 日月既揭 乾坤清夷

初獻 寧平

予懷明德 玉振金聲 生民未有 展也大成 俎豆

千古 春秋上丁 清酒既載 其香始升

亞獻 安平

式禮莫愆 升堂再獻 響協鼗鏞 誠孚壘廟

雍雍 譽髦斯彥 禮陶樂淑 相觀而善

終獻 景平

自古在昔 先民有作 皮弁祭菜 於論思樂 惟天

牖民 惟聖時若 彝倫攸敘 至今木鐸

徹饌 咸平

先師有言 祭則受福 四海贊宮 疇敢不庸 禮成

告徹 毋疏毋瀆 樂所自生 中原有菽

送神 咸平

崇聖殿祀五代祝文

雜

王奕葉鍾祥光開聖緒盛德之後積久彌昌凡聲教所覃
敷率循源而溯本宜肅明禋之典用申守土之忱茲屆仲
春秋聿修祀事配以

先賢顏氏

先賢曾氏

先賢孔氏

先賢孟氏尙

饗

名宦祠祀漢潁川守趙廣漢晉陽翟令郭誦明兵巡道李
乘雲知州董傑徐明善朱銓劉魁判官白瑜學官袁鳳三

每歲春秋丁日繼文廟祭之諸儀如羣祀祝文曰於維

諸公禹陽先正先後濟美為憲為令宜民宜人福有餘慶

我後之人繩武惟競惟茲仲春謹以牲帛醴饗案盛庶品

之儀祇荐於神尙

饗

忠義祠中楹祀

忠臣

漢留侯謚文成張良唐上柱國郭孝

恪明贈太師馬文升贈太僕寺少卿余爵左楹祀

孝子漢

孝行李曇晉孝弟庾袞南北朝孝行李顯達元孝行曹從

矩明純孝張宗魯孝行袁節孝弟董輔力行篤孝楊奩孝

友教諭陳希全孝行陳應泗清純孝貢生余正華右楹祀

義士

明賑饑奏表董英李正李銘任諒梁圭陰煥盧綱實
邊奏表馬貴七品散官馬瑋七品散官馬瓚每歲春秋丁
日繼文廟祭之諸儀節如羣祀祝文日維 靈稟賦貞純
躬行篤實忠誠奮發貫金石而不渝義聞宣昭表鄉閭而
其式祇事懋彝倫之大性肇莪蒿克恭念天顯之親情殷
棣蓼模楷咸推夫懿德綸恩特闡其幽光祠宇維隆歲時
式祀用陳簠簋來格几筵尚

饗

鄉賢祠祀漢留侯謚文成張良晉長平伯謚穆稽裴都鄉
亭侯謚元穆稽哀宋禮部尚書謚恭惠李及卿延經畧使

謚康穆程戡天章閣待制孫甫太子少傅田況知淮陽軍
田晝右正言崔鷗少保曹勛明修撰李淑允戶部尚書古
朴贈少傅劉綱按察司副使魏清文淵閣纂修邊寧台州知府
李性左柱國太師謚端肅馬文升教諭陳希全孝子楊奩純孝
張宗魯同知張慶左長史李昇右參議李緯贈副都御
史黨玟贈主事郭銓太僕卿郭學書侍郎任洛右布政使
張鯤贈九江知府馬安左參政馬紀右參政李乘雲知縣
徐純知縣董敬通判王善尚書魏尚純三邊總督董世彥
右副都御史黨以平侍郎李登雲知州李用賓通判李嘉
祿知縣安永達贈御史安大法贈太僕卿連泮通判馬斯

但大理少卿連格巡撫右副都御史贈右都御史連標右
布政使王述古贈御史劉峨御史劉調羹主事謚忠莊余
爵知縣楊蕙訓導趙日躋清貢生余正華知縣王聿修每
歲春秋丁日繼文廟祭之諸儀節如羣祀祝文曰於維
諸公禹陽粹英允文允武克孝克恭泰山喬嶽月旦有聲
千秋萬禩俎豆光榮惟茲仲春謹以牲帛醴醢粢盛庶品
之儀祇荐於 神尙

饗

以上聖廟並附祠舊祀典禮依乾隆邵志錄存其入祠人
數則比舊有加惟各附祠並建而所祀或重更以禹先正

品格考之亦不無或遺或濫之嫌茲亦儘現祀者照錄而

已

民國三年更定祀孔典禮各地方設奉祀一員擇本鄉有
學識道德堪爲師表年歲在四十以上者任之

民國祀孔禮典

孔子廟崇祀則以夏時春秋兩仲上丁爲致祀之日

清季升大

禮仍從大祀其禮節服制祭品與祭天一律以四配十二
哲配饗以先賢公孫氏以下七十九人先儒公羊氏以下
七十五人從祀

按民國三年頒行禮制館祀孔典禮說明書謂魯哀公

十七年立孔子廟於故宅闕千餘年未嘗出闕里至北魏太和十三年始立孔子廟堂於京師唐貞觀四年始詔州縣學皆作孔子廟孔子廟之名始見於史記孔子世家及闕里志漢元嘉二年詔此外或曰仲尼廟孔廟宣尼廟孔父廟孔顏廟孔聖廟文宣王廟宣聖廟夫子廟先聖廟先師廟文廟明永樂八年要以稱孔子廟爲最古且最普遍稱文廟爲最後蓋從文宣王謚而來孔子之道生民未有非一言一行之美可以節惠定謚者比明儒邱濬論之詳矣今文宣之謚既早罷則文廟之稱似亦不必沿明之舊

按禮制館頒行祀孔典禮說明書一稱祀不稱釋奠說云古者立學必祭先聖先師所以報本反始崇德而勸學也其禮有四曰祀曰釋菜曰釋幣而以祀爲正祭所謂祀先賢於西學是也釋奠者設薦饌酌而已無迎尸以下之事文王世子釋菜惟蘋藻而已無牲牢無幣帛釋幣則徒用幣而無菜亦無牲牢王制疏是釋奠釋菜釋幣皆爲祀禮之畧者祀禮亡逸久不可考釋菜之禮又亡於唐宋間學官所舉惟畧存釋菜之儀亦但存其名耳實與古不合故惟漢魏間常稱祀孔子後此雖升大祀猶未改釋奠之名釋奠爲祀之畧實祀而以釋奠名之其名不正今奉

明令祀孔仍從大祀其禮節服制祭品當與祭天一律
典禮極爲隆重故擬稱祀不稱釋奠

縣知事每歲夏時春秋上丁日孔子廟主祀分獻以屬
官或公立學校校長在城文武委任以上亦均與祭書
祝版祗割戒具陳設省齋以其屬爲之糾儀以掾屬崇
聖祠正獻以屬官分獻以學校教員或地方員紳散齋
二日致齋一日祭前一日有司飭廟戶潔掃殿廡內外
供張如儀正獻官執事人入廟習儀樂舞諸生入廟習
舞習次祭之日行禮儀節與各地方行政長官及道尹
同

至聖先師孔子廟行禮禮節

祭廟日時正獻以下皆具祭服集致齋所正獻盥手閱
祝版署名訖司祝進奉於祝案俟鼓三嚴贊引正獻入
大成右門分贊引分獻傳贊引陪祀員隨入典儀贊樂
舞生就位執事員各司其事贊獻官就位正獻分獻及
陪祀員各就拜位北嚮立贊闔戶有司闔戶訖贊迎

神司樂贊舉迎

神樂奏昭和之章起祝鑄鐘鳴擊編鐘樂作贊引贊四拜
傳贊贊衆皆拜正獻分獻及陪祀員皆行四拜禮跪拜
再拜三拜四拜興樂止擊特磬曼啟贊奠帛爵行初獻

禮司帛爵各捧帛爵就前向上立司樂贊舉初獻樂奏
雖和之章起祝司帛爵各進

神位前立鐃鐘鳴擊編鐘樂作贊引贊詣奠帛位引正獻
入殿右門詣帛案前立贊獻帛正獻受拜拱舉仍授司
帛奠於案正中退贊詣獻爵位引正獻詣爵案前立贊
獻爵正獻受爵拱舉仍授司爵奠於爵塾正中退贊贊
復位引正獻仍由殿右門出復拜位立分贊引分獻入
殿左右門分就

配位

哲位前引兩廡分獻分就兩廡

先賢

先儒位前立受帛爵拱舉仍授司帛爵獻於案上退司
祝就祝案前捧祝版至案左先立樂暫止贊引贊詣讀
祝位引正獻進殿右門詣讀祝位正立典儀贊讀祝司
祝讀祝畢正獻受祝版拱舉仍授司祝司祝捧祝版至
至聖先師孔子位前安於筐內退樂復作贊引贊復位引
正獻出殿右門復拜位立贊四拜傳贊贊衆官皆拜正
獻分獻及陪祀員皆行四拜禮跪拜再拜三拜四拜興
樂止擊特磬憂敵贊行亞獻禮司爵捧爵就前向上立
司樂贊舉亞獻樂奏亞獻之章起祝司爵各進

神位前立罇鐘鳴擊編鐘樂作贊引贊詣獻爵位引正獻
進殿右門詣爵案前立贊獻爵正獻受爵拱舉仍授司
爵奠於爵墊左退贊復位引正獻出殿右門復拜位立
分贊引分獻各就案前獻爵如初奠於左退樂止擊特
磬戛敵典儀贊行終獻禮司爵奉爵就前向上立司樂
贊舉終獻樂奏淵和之章起祝司爵各進

神位前立罇鐘鳴擊編鐘樂作贊引贊詣獻爵位引正獻
進殿右門詣爵案前立贊獻爵正獻受爵拱舉仍授司
爵奠於爵墊右退贊復位引正獻出殿右門復位立分
獻各就案前獻爵如亞獻儀奠於右退樂止擊

特磬戛敵典儀進至殿東西向立贊賜福胙退贊引贊
詣飲福受胙位正立捧福胙二員捧胙至

神位前拱舉退立正獻之右接福胙二員進立正獻之左
贊引贊飲福酒正獻受爵拱舉授於左贊受胙正獻受
胙拱舉授於左贊復位引正獻出殿右門復拜位立贊
四拜傳贊贊衆官皆拜正獻分獻及陪祀員謝福胙皆
行四拜禮跪拜再拜三拜四拜興贊舉徹饌樂奏昌和
之章起祝罇鐘鳴擊編鐘樂作司爵各進

神位前徹籩豆各一少移故處退樂止擊特磬戛敵典儀
贊送

神司樂贊舉送

神樂奏德和之章起祝罇鐘鳴擊編鐘樂作贊引贊四拜
傳贊衆官皆拜正獻分獻及陪祀員皆行四拜禮跪拜
再拜三拜四拜興樂止擊特磬戛敵典儀贊奉祝帛送
燎司祝帛爵各進

神位前恭拱祝帛酒饌依次送往燎爐時贊引引正獻轉
立西旁俟帛帛過畢仍引復拜位立司燎數帛典儀贊
闔戶訖贊禮成贊引引正獻出大成右門分獻以下隨
出至致齋所更衣各退祝文

祝曰維

先師德參化育道冠古今集羣聖之大成炳前知以垂憲
天下爲公中國一人之量生民未有六經千載之心循
宮墻而瞻富美入室升堂隆俎豆而奉馨香先明後法
茲當上丁祇率彝章肅展微忱聿將祀典以

復聖顏子

宗聖曾子

述聖子思子

亞聖孟子配鳴呼聲名所屆血氣莫不尊親光景常新禮
樂明其禮祀尚

饗

崇聖祠行禮禮節

祭廟日時贊引引正獻入祠垣右門詣階下盥手分贊引分獻隨入典儀贊執事員各司其事贊獻官就位引正獻分獻各就拜位北嚮立典儀贊闔戶有司闔戶訖贊迎

神四拜正獻分獻皆行四拜禮跪拜再拜三拜四拜與贊奠帛爵行初獻禮司帛爵各捧帛爵進

神位前立贊引贊就奠帛位引正獻入殿右門就肇聖王帛案前立贊獻爵正獻受爵拱舉仍授司爵墊正中退以次就左

裕聖王右

詒聖王次左

昌聖王次右

啟聖王位前奠帛獻爵儀同贊引贊復位引正獻仍由殿右門出復拜位立分贊引分獻入殿左右門就配位前引兩廡分獻分就兩廡

從位奠奠帛獻爵復位均如正獻儀司祝就祝案前捧祝版至案左先立贊引引正獻進殿右門就讀祝位正立典儀贊讀祝司祝讀祝畢正獻受祝版拱舉仍授司祝司祝奉祝版至

正位前安於篚內退贊引贊復位引正獻出殿右門復拜
位立典儀贊四拜正獻分獻皆行四拜禮跪拜再拜三
拜四拜與典儀贊行亞獻禮司爵各捧爵進

神位前立贊引贊就獻爵位引正獻進殿右門就

肇聖王爵案立贊獻爵正獻受爵拱舉仍授司爵奠於爵
塾左退以次就左

裕聖王右

詒聖王次左

昌聖王次右

啟聖王位前獻爵儀同贊引贊復位引正獻仍由殿右門

復拜位立分贊引分獻分就

配位

從位前獻爵復位均如儀典儀贊行終獻禮司爵各捧

爵進

神位前立贊引贊就獻爵位引正獻進殿右門就

肇聖王爵案前立贊獻爵正獻受爵拱舉仍授司爵奠於
爵塾右以次就左

裕聖王右

詒聖王次左

昌聖王次右

啟聖王位前獻爵儀同贊引贊復位引正獻仍由殿右門復拜位立分贊引分獻分就

配位

從位前獻爵仍均如儀典儀贊徹饌司爵各進

神位前徹盪豆各一少移故處退贊送

神四拜正獻分獻皆行四拜禮跪拜再拜三拜四拜興典

儀贊奉祝帛送燎司祝帛爵各進

神位前恭捧祝帛酒饌依次送往燎爐時正獻避立西旁

俟祝帛過畢仍復拜位立司燎數帛典儀贊闔戶訖贊

禮成贊引引正獻仍由祠垣右門出分獻隨出各退

祝日維

王垂裕後昆光開聖緒爲層冰之積水作大輅之椎輪既祖功而宗德必有達人亦木本而水源不忘數典茲屆上丁聿修祀事配以先賢孔氏先賢顏氏先賢曾氏先賢孔氏先賢孟氏尙

饗

聖廟依制建置外其在鄉里者有五每春秋丁祭附近諸

生舉行一在神屋鎮文風里六甲一在巧匠王村義讓里五甲一

在方山鎮鎮峯里九甲一在方岡鎮義讓里七甲一在古湧泉里

鎮峯里八甲在湧泉里者月臺石刻有金正大七年修字樣

明萬曆清康熙時俱有重修碑元列大夫王道衡有湧

泉里義塾

夫子廟始終辨惑記

昔楊雄有言曰萬物分錯則懸諸天

而折諸曰在則人亡則書其說一也如此說則去聖於
千百世之後其世之同異理之是非可得而明辨之矣
況乎經傳之學其傳彌遠其舛彌甚乃若夏五之脫漏
郭公之闕文亥豕之疑似魯魚之眩惑當以意逆志不
可執一而論也至如事一也聖人已有是言而賢人又
復為之言則當從先儒此亦理之當然也昔我先聖孔子
鑒其說則當從先儒此亦理之當然也昔我先聖孔子
之生當周靈王在位之時公羊穀梁傳以謂二十二年杜預
注左氏哀公十六年之傳復取世家之言以足其說殊不
知公羊高穀梁赤俱授經於子夏而子夏親炙孔子提
耳之訓遊於聖人之門為甚久親衆聖人之教為甚深
豈有聖人之壽算與夫聖人誕育之日期不孰知之公
穀二賢躬受業於子夏則二家之傳所書為可信矣雖

云左氏親受經於聖人而偶無其說彼司馬遷漢儒也
去聖人殆且數百歲況經秦火之後文籍殘缺則世家
之所載蓋不若公穀乃子夏之門人見而知之也杜預
西晉人去司馬遷文幾四百歲乃取世家之言而注左
傳無乃以擅專門之業主於修左氏之說當從左氏既
與兵為失也明矣向使左氏有說則當從左氏既左
氏無說捨公穀之說則何以哉況平歲月有遠近承學
有後先見而知之與聞而知之其是非得失豈不昭然
易曉哉杜預捨公穀而取司馬遷果何意而然歟宜乎
先儒作孔子年譜以冠家語之首斷然取公穀之傳所
書以襄公二十一年孔子生為正焉又以長歷考之歲
在己酉蓋周靈之二十年也若夫孔子所生之日穀梁
襄公二十一年書十月庚辰朔日庚子食之則庚子乃二
十一年也若如公羊所書十月庚辰朔日庚子食之則
庚子哉公羊之說誤也以理求之二家之學同一師授
矣周以建子為正月合從夏時以建寅為正月周之十
月二十一日乃今之八月二十四日也春秋絕筆於西狩
獲麟之一句蓋哀公十四年之春也而左氏又引經以

禹縣志

卷十

祀典志

三

至十六年書夏四月己丑孔子卒杜預以長曆考之四月十八日有乙丑無己丑五月十三日乃己丑日必有誤以意逆之亦恐傳寫者之誤歟何以言之當哀公之時字畫皆用科斗頭粗尾細大率如古文篆籀未有今之隸書也科斗書今雖廢已久古文篆籀猶有可考者四之與五字形無由相類乙之初六日然有癸丑其癸之與乙字形絕不相類乙之與己字形不其相遠傳寫者轉乙為己其誤蓋有由矣先儒作譜斷之以四月十八日卒為正蓋亦審之詳矣周之四月十八日乃今之二月十八日也杜預引世家以謂孔子七十已西卒於哀公十六年壬戌則年七十四為得實矣於戲大凡天下之事不當辨而辨失之贅當辨而不辨失之訥贅非也訥亦非也惟其當而已吾夫子挺將聖不世之資立大中至正之教以福於來世以啟我後人學者固當修崇祀事知所報謝其奈去聖愈遠生朝忌辰殆平湮沒而無傳縱欲舉而行之而皆惑疑而莫能定按聖誕在可勝歎哉為天下後世辨不得已也今有祀道衡之辨亦具見崇道之意故志之於石

聖廟在神屋鎮者清乾隆九年知州邵大業有移奉

聖像碑記 自二氏倡為孔子我師弟子之說於是欲屈儒

隆九年學使林公詒枚會同碩大中丞具疏入告請奉夫子像於書院義學而改三教堂為梵宮道觀制曰可撤下有司時余守禹郡借廣文履鄉按驗凡毀三教堂八而書院義學乃具有夫子像文履鄉按驗凡毀三教堂義學如覺宮奉聖像於中堂至是則移奉本里郭家村郝家嶺三教堂之聖像於內與前像而三焉余至鎮瞻奉之下瞿然而思謂此舉厥功偉哉雖然竊有慮夫人心易惑而難覺向之崇奉三教堂也久以為髡者髡者冠者並立而參也今不知其何故而去之乃一聖也而三像焉安知數百年之後不疑三像之為三教乎且安知向者三教之像有髡者髡者冠者冠者而茲乃知其無不冠知其竟不異於吾儒而舉我夫子而佛者之乎是則大可懼矣里人郝生者聞余言曰大夫之慮良是是蓋本其始末以明告後人而祛之惑乎余曰然是不能已於言也

文昌廟 舊在文廟左大街道光六年知州朱煒移建城內東南隅

余詔林署考典引陸氏隴其修靈壽文昌祠祀云文昌天神也星有六各有攸司而統之曰文昌蓋道之顯者謂之文將相祿命者皆非文昌之所授古之祀者蓋所以答其默相道統之功而非教人禱祀以求寵利也又曰今新其祀易以木主題曰文昌之神蓋吾知祀文昌而已他非所聞也吾知祀周禮月令史記之文昌爲吾道宗主而已他非所知也詔爲此記題曰文昌之神祀自仍舊而揭出默然之功與吾道宗主正誼明道之說

真端本溯源明明非常聖人復起不易也

關帝廟 縣治西

林署考典載□□□橋水祭典集評引宋氏學筠廊二筆記解州牧撰侯祖墓碑事奇而文不雅馴屬錢塘馮景別作記記云康熙十七年戊午解州有常平士子者讀書塔廟塔廟侯故居也昌晝夢侯授以易筆二大字驚而寤見濬井者得巨甃碎之甃上有字昌急合讀乃紀侯之祖考兩世諱字生卒甲子大畧循山而東得墓道焉遂奔告解州守王朱旦朱旦作關侯祖墓碑記記中載侯祖石盤公諱審字問之和帝永元二年庚寅年

居解之却實池里冲穆好道以易春秋訓其子卒於桓
帝永熹三年丁酉享年六十八子諱毅字道遠性至孝
父歿廬墓三年既免喪於桓帝延熹三年庚子六月二
十四日生侯侯長娶胡氏於靈帝光和元年戊午五月
十三日生子平其大畧如此宋且又言桃園結義之俗
說宜闢伏魔大帝之稱號宜更其論甚正

社稷壇 北關

林署考典云六經言社始於召誥戊午乃社於新邑馬
融曰言社則稷在其中社稷並言始於詩序載芟春籍
田而祈稷也良耜秋報社稷也陳詳道曰社所以祭五

土之示稷所以祭五穀之神而命之稷以其首種先成
長百穀故也稷非土無以生土非稷無以見生生之德
故祭社必兼稷以至同功均利而養人故也黃氏幹曰
宗伯序祭有社無示舉社則其禮達乎上下舉示則天
子獨用之非天子不祭天而天子與庶人皆得祭社尊
父親母之義也

風雲雷雨山川壇 南關

林署考典引宜都縣志云周禮祀風師雨師唐天寶五
載始祀雷明加以雲洪武初祭有分合六年詔以風雲
雷雨山川共一壇八年合城隍祭之其壇制崇二丈五

尺繚以垣四陞四門從南門入風雲雷雨居中左山川
右城隍木主高二尺二寸

風王廟 在具茨山下

先農廟 東關

林署考典云先農祭炎帝神農氏壇建東郊未詳丈尺
准以社稷壇州縣方二丈五尺未知同否祭用亥日但
上辛後亥吉古在孟春今以三月

奎星樓 舊在文廟左大街道光六年知州朱煒移建城
內東南隅

林署考典云奎者宿也自明萬歷間各州縣學校皆擇

巽方高地建樓閣與文昌同祭棘闈亦然按甘石星經
云奎壁二星主文章今士子入場屋掄元奪魁謂鬼神
效靈而有得不得豈非命哉何崇奉之如一也沈桐君
辨惑論曰魁之爲言首也其旁之從鬼者取音之相近
耳進士元魁爲首之義與北斗之魁無涉世之欲爲元
魁塑魁星而禱之不知其形則塑一鬼一斗像之欲其
禱之必定爲魁也更塑一筆一錠而使其手親執之蓋
功名之念人之熱中也久矣

八蜡廟 南關明知州馬協建王述古撰記清順治六年
知州蔡永華重修

林署考典云八蜡之說不同鄭康成謂先嗇一司嗇二
農三郵表曝四貓虎五坊六水庸七昆蟲八張子厚去
昆蟲而增百種為昆蟲為害者不當祭陳詳道之說同
於張子而以貓虎為禽獸謂記本文有饗禽獸之語以
其有功於稼穡從而索饗之義亦無殊異邱氏濬大學
衍義補謂八蜡之名當以陳氏為正

考典又云沙隨程氏謂昆蟲者非祭昆蟲也祭其除昆
蟲而有功於我者也除昆蟲者不一而足如火田之子
捕蝗之子禽鳥或能食之霜霰或能殺之說亦甚辨集
評取之似終不若衍義補明晰

王述古建八蜡廟記

邦伯馬公治不腆敝郡蒞政四載

降之福記所謂順成之方其蜡乃通公之業在思文之神
來矣是歲比登水旱札瘥癘疫之疹幾至八蜡不通
公以大旱雩郡神祠於大蜡則偏焉置於城之西南一
隅也公愀然念社稷之事蜡為政孰是廟貌而湫隘
塵是委神明於草莽也其若淫祀何其又奚以荐馨香
而屢豐年乎則請更諸爽塏者而蜡稷之屬也毋寧屬
兆居於郊壇稽禮制定方類吾以事神鳩民焉於是乎
畧基趾物土方慮材用具餼糧逾月而集不愆於索按
蜡之祭也自伊耆氏始也禮稱天子大蜡八見謂鉅典
曷敢以下臣與執事在令合丙顧逮諸郡邑立蜡廟矣
夫蜡者何也蜡也者索也何言乎索求神之有功於民
者索饗之也何逮夫郡邑守令職主社稷夫固以鎮撫
此民而為民報嗇何則不然其祝史荐信饗祀豐潔神
其吐之乎故主先嗇祭司嗇也自周以來實崇后稷謂
其百種滋蕃而賴粟堅好也饗農及郵表曠神農氏世
享此祀謂做載南畝子耜舉趾不失時也謂其田之有
畔而疆場翼翼民力普存也迎貓虎與坊與水庸也謂
碩鼠封豕之不食我苗也謂漭之洩之溝洫宜而水潦

不爲災也祭昆蟲謂螟蝗蝻蠶無害稼事也謂田祖有神祈年祈穀之必應也是皆以爲民也是索之義也且夫義有其類類有其方以方則叶以類則歆孔氏曰朝市之於西方祈之於東方失之矣是故勾芒祝融蓐收玄冥各有方類故爲該也神也者必於金正方也者夫爲社也神也者必於郊祀方也者夫卜地於南屬廟墀開闔棖梅昭其文也粢盛牲牲牲昭其物也方所以綏之文物以舉之禮之秩而類之從何明信如之以此明信荐於鬼神致乎庶祥水旱不作五風十雨有年時書吾禹民世世有賴焉公之蕃祉又在大田之卒章矣是役也始於辛丑九月成於壬寅二月既乙巳二月而述古始爲之記公諱協陝西同州人由新鄭尹歷禹州所至有美政不具論論其建蜡廟者如此云

劉猛將軍廟 南關祀宋將劉錡清乾隆五年奉敕建每歲十二月戊日與八蜡神同祭

城隍廟 縣治西南隅始建無考明洪武四年州判官龍

濟重修永樂十五年知州劉英重修成化二年知州鄭珪重修正德年王建重修清康熙三十年知州劉國儒重修乾隆十年知州邵大業重修光緒二十年知州李樹基重修祀典詳見大清會典

林署考典引祀典集評云城隍之名見於易廟而祀之李陽冰以爲始於唐惟吳越間有之宋趙與時以爲李衛公建都城城隍祠李白 州碑杜牧之於黃州

韓退之於潮州麴信陵之於新野皆有城隍之祭則祠不止於吳越又以蕪湖城隍祠建於吳赤烏二年高齊慕容儼梁邵陵王綸祀城隍嘗見於史則祀不始於唐

矣昭按蕪湖祠吳志不載不知其所據至慕容儼卽陵

綸所祀皆因州有神祠俗云城隍神公私每有所禱其

祠乃民間私立非國制也知州邵大業城隍廟碑

禦大雷則祀之能捍大旱則祀之郡邑之有城隍也謂

二氣順四時成歲功以通八蜡神實司之故建廟崇奉

代有封號載在祀典官斯土者歲時致祭朔望展拜罔

敢褻越余承之禹郡下車謁見重門兩廡日久傾頽岌

乎有飄搖之恐至後殿居中像如列侯而旁侍三夫

人以爲寢宮也顧構欂櫨朽蠹塑像剝落又東西有兩神

像心竊疑之詢之廟祝曰此非城隍之神裴山神也裴

山何神曰司痘之神也民間嬰兒患痘疹皆祈禱於此

余訝其不倫將遷神於他室而改爲寢宮亟命塑工視

之工曰此故城隍殿有三宮因備言裴山神冠服之異

余因詳考其故初民間訛以城隍爲裴山增塑二女像

以附會之遂沿而不之察也於是割俸首倡鳩工庇材

移兩神女像另立祠於大殿之西以祀之自門廡殿宇

以及寢室皆葺而新之郡之好義者踴躍捐金其襄厥

事不半歲而丹雘黜堊廟貌煥然時適憂旱禱於神輒

應郡人益以爲神咸喜工之落成而有以妥神靈而介

景祚也繼自今神其永佑禹民於勿替也夫是役也葺

新之功余不敢居而一旦舉數百年之訛說而考正

之夫亦有嘿啟之者歟工始於乾隆九年之七月迄於

十年之二月需銀以兩計者若干捐助姓名附在碑陰

而董其役者則太學生原某也例得附書工既竣郡士民

均余紀其事爲書數語勒諸貞碣

土地祠 在文廟鄉賢祠西雍正十二年學正孫鑄重修

每歲春秋丁日繼文廟祭之

厲壇 北關

林署考典引宜都縣志云明洪武三年令天下鄉邑郡

國各立壇以祭無祀鬼神壇高一尺五寸東西二丈南

北稱之祀典集評云祭法王有秦壇諸侯有公厲大夫

有族厲然不及庶人考洪武祭文則似專為庶人者元時長興沈貞有鄉厲樂神曲然祇是民間私祭非公祀也又祭厲以城隍主之蓋孤魂鬱氣皆附土中城隍土神故以主之耳

火神廟 縣治西南隅

林署考典云春秋鄭災禱回祿東漢祀心星城南晉唐因之宋慶厯中修大火神祠崇寧中詔天下建火德真君殿今祀徧村落矣祀典集評謂古五祀曰井曰竈其理通於庶人火神之祀或即取祀竈之意乎

禹王廟 有二一在縣治西明嘉靖十年知州劉魁建萬

曆四十六年知州莫天麒重修有碑清康熙年分巡道沈荃知州史廷桂重修知州于國璧建大門題為古鈞臺一在縣西禹山上創建無考有宋重修碑

湯王廟 有二一舊在北門內知州劉魁建光祿少卿新鄭高尙賢撰記清康熙年分巡道沈荃知州史廷桂重修雍正三年知州屠用謙改建縣治西禹王廟右一在古安慶里即今文風里三峯山西首初始無考有周棟撰記其概畧見古蹟志

高尙賢新建湯王廟記

潁川城郭之陰有丘曰鈞臺州

此名者昔夏啟會諸侯享此湯惡於桀囚之夏臺即此臺實塊土而名耿耿與太華相峙夫有以重之也啟之賢不聖於湯啟享會乃常典

湯否於此而王業基之尤為異跡臺之有藉於湯審矣
世遠俗諸民狃於鬼惟冀為禍福者是祠而罔臺之思
郡侯劉公守是邦三載政以德孚民以化漸道以古植
厥惟成緒乃蹤尋古聖賢之在境內者慕則表之神則
祠之近代淫祠悉毀悉更乃登斯臺也而喟然曰顯德
之匿而固福之求民之隱也教之做也夫標迷莫如崇
典詔來莫如徵往於是乎因舊祠屏舊像主湯其中而
定祠焉祠淫而典臺廢而興矣是役也財靡官費力固
民妨翼如歸如壯觀起瞻謁焉者靡不慘桀之烈而痛
湯之遭且幸其亡之忽而興之勃也君子謂斯舉也有
三善焉祠開厥新崇正祀也址仍厥故謹民財也仁者
之祠而虐者之彰昭鑒戒也崇祀體也謹財仁也昭戒
知也禮以基之仁以成之知以永之豈惟明神是欲實
亦斯民是賴君子謂劉公於是乎能此舉矣公名魁字
煥吾廬陵人種德
積學為君子儒云

旗囊廟 縣北三里教場演武廳側

子產廟 縣東北紫金里董莊始建無考明嘉靖庚寅年

知州劉魁額其祠曰遺愛萬曆十二年董九貢重修

卓君廟 縣東鎮定里十里舖祀漢密令卓茂云因捕蝗

於此故建廟焉明洪武八年鄉人陳 重修又縣南萬

柏里五甲亦建有廟無創建碑有明隆慶萬曆重修及

清重修碑云閣郡初建十廟今存者止此

節孝祠 文廟東北隅清雍正六年知州黃敬中奉文創

建祀元朱彥良妻賈氏明參政陳經濟妻趙氏李賀妻

楊氏劉彥口妻陶氏王恆禮妻孟氏李增妻劉氏薛銳

妻張氏文學妻陳氏周見龍妻安氏孫一鵬妻董氏陳

篤睦妻韓氏董萬言妻高氏清張振聲妻黃氏曹用璧

妻王氏秦希英妻李氏趙宏欽妻安氏祁顯珍妻相氏
張連科妻李氏王家正妻牛氏魏嶧妻馬氏劉琨妻靳
氏馬燿妻趙氏方述振妻晉氏王得伸妻姜氏羅乾妻
張氏宋一元妻王氏王寶妻王氏吳生兒妻烈女王氏
余鑑妻馬氏余濟遠妻李氏余潤遠妻康氏余杰妻何
氏共三十二人

遺愛祠 舊祀漢太守黃霸於州東黃臺之上唐建中元
年陽翟令皇甫曾改建於西關明知州楊挺徐明善鄭
珪重修成化十七年知州王欽朱詮重建會稽胡謐撰
碑記載入祀典嘉靖十年知州劉魁再建於城內東北

隅並子產卓茂祠額曰遺愛清康熙三年知州史廷桂
改建於城東留侯洞上增祀漢潁川太守韓延壽郭伋
寇恂明知州潘恩劉魁嗣又增清知州高良弼

仰高祠 舊在城內東北隅清康熙三年知州史廷桂改
建於留侯洞上祀陶唐巢父許由漢尚書令黃香晉秘
書盧損唐平章事裴度宋平章事李沆觀文殿大學士
晏殊太尉王旦太子太師歐陽修參知政事蔡齊吏部
侍郎宋庠翰林學士承旨宋郊後增明提學副使李夢
陽以李夢陽專祠在東關者久圯故移入此也

三賢祠 明嘉靖十一年十月知州劉魁改城南無量壽

佛寺為仙棠書院安奉明道程先生純公伊川程先生

正公魯齋許先生文正公清康熙三年知州史廷桂改

建於留侯洞上光緒二十八年知州曹廣權就留侯洞

上闢穎濱經舍乃別建圓亭環列遺愛仰高三賢祠於

內

馬端肅公祠 北關拱辰門外道左明嘉靖 年敕建祀

明贈太師馬文升郡參議徐永撰記

光祿大夫柱國少師兼太子太師吏

部尚書贈特進光祿大夫太傅諡端肅鈞陽馬公兆於郡北杏山之原蓋奉敕修也長子山東大參璵仲子錦衣指揮使琇慮後之人無以知墓之所在也正德壬申樹穹碑於拱辰門外通衢之左表其勲階官爵姓氏而覆之以樓其地左跨穎水右擁郡城後枕穎上之崖前臨禹廟之基形勝為往來者偉觀大參復慮杏去郡

舍有餘道隔穎水夏秋泛溢湍激洶渾象掃省謁或因之而廢非所以盡追遠之意報罔極之恩也丙午於碑後之隙刻岡為趾削崖為垣建祠堂三楹翼以兩廡嚴以重門望公像於中東嚮以便四時朔望祭謁又慮後之字孫無以知創始之由久而湮沒也以永昔為公子部知公頗深命為記使興廢者有考永雖淺陋不文於公義不可辭廼謂祠而血食者必以功德故功德著於鄉閭則鄉閭之人祠之及於郡邑則郡邑之人祠之施於藩鎮則藩鎮之人祠之被於天下則天下之人祠之著於鄉閭者若越人之祠吳先生是已及於郡邑者若鈞人之祠黃霸密人之祠卓茂是已以至裁成輔相經綸參贊謀安社稷澤被生民若唐虞三代之皋夔益稷伊周若漢唐宋之丙魏姚宋韓范則天下之人皆祠之也公登景泰辛未進士列官臺諫出入將相五十五年其正色立朝之風采經世佐王之才猷安邊定亂之謀畧進賢黜佞之權衡皆出素定是以朝廷倚為安危天下繫其輕重君子賴之得以自安小人憚之而不敢肆海內之士無貴賤無大小無遠近莫不熟公之名知公之德慕公之功仰之如青天白日望之如喬山峻嶽也公為大司馬時永備員屯田主事每見必命之坐以天

下古今事之成敗得失見教永聽其議論叩其學術之
大者莫過於精誠惟精也故慮足以固天下之事而無
遺惟誠也故力足以行天下之事而不倦書曰惟精惟
一詁曰至誠無息公其有之故德望愈老愈隆功烈愈
老愈大其樹立洋溢垂遺流餘者可以銘諸鼎彝播諸
絃歌與皋夔益稷伊周兩魏姚宋韓范後先相望天下
之人孰不欲祠之哉後世之人又孰不欲祠之哉此大
參之建祠雖出於一心之孝實合乎天下之公且賢而
克世其家皆可書也遂書以復若公懋履之詳章疏之
富政績之侈載在史傳及諸公所撰碑志不敢復道以
俟夫續皇明名
臣錄者采焉

董公祠 縣治西祀明三邊總督董世彥以參政董九貢

配日久傾圮清乾隆十年裔孫董大成等重修知州邵
大業額曰江都世德

李公忠烈祠 南關祀明兵巡道李乘雲以州同余全生

司訓趙日躋監生侯九韶田種玉生員周鳴岐李儀化
陳懋千總張漢鼎吏目周時敏配清康熙二十八年知
州劉國儒建康熙五十四年知州李朝柱重修

沈公祠 東關迴龍寺內清康熙中建祀分巡大梁道沈
荃雍正元年署州事甯佑重修今圯惟存一石額為落

紙雲煙四大字係清聖祖褒美沈荃書法者其子翰林
院庶吉士宗敬跋清康熙三十八年四月二十二日御
筆賜日講官起居注詹事府詹事兼
翰林院侍讀學士加禮部侍郎謚文恪臣沈荃落紙雲
煙四字先是皇上下幸駐蹕吳閩臣於三月十九日恭
進先臣楷書二種上傳諭嘉賞命更進藏蹟復於四月
初二日進各體十種因蒙召見諭爾父以文字侍從清
班供職勤慎屢賜御筆獎資在昔今所進遺蹟念爾父
入法精妙向為朕所楷模將再賜題額特褒爾父書法

通至揚州行宮祇受訖伏念先臣夙承皇上恩遇游陟
卿貳榮寵既溼於生前褒卹復優於身後至今尚存眷
念特賜品題且澤及微臣亦得蚤邀宸翰兩世叨恩感
激流涕已藏之家祠以為世寶因先臣兵備大梁禹州
士民建祠崇祀特刊額恭
上以廣皇仁於無外云

忠節祠 縣治西天寧萬壽寺右清同治十年知州宮國

勲建祀咸豐同治間禹人之死會匪捻匪者併作忠節

祠刊石記 禹居全豫之中濱九達之衢民生其間者繁

自咸豐六年城北聯莊會起黨結襄匪禍延汝捻輾轉
四五年間民之屠戮於其中者已指不勝屈至九年而
毫逆又復竄擾或期年而一至或數月而一至或一月
而再至同治六年始止前後十四年中歷時既久創痛
愈深其間忠勇節婦雖經各前任隨時稟報而時際倥
偬未暇周詳同治三年秋余蒞茲土與民習守禦之法
附城添築短垣四鄉增修堡寨民雖保聚有所而橫遭
慘傷者亦間不乏人乃合前任之所稟報者選派各鄉

紳耆詳加察核遺漏者增而入之舛錯者更而正之
案請獎旋蒙朝廷卹典准建專祠余謹擇城內善地捐
廉俸呼榮矣死而有知應亦無憾矣而一時往來觀者
莫不興感焉夫生者何與於死死亦何裨於生以不
知誰何之人而忽與其感慨豈非節操之奇異與祠宇
之輝煌有以聳動其視聽而激發其志氣與倘傳聞失
實奇異者漸就湮沒矣傾圮不修輝煌者日趨荒蕪矣
不數十年將有考其遺事尋其故趾而不可得者又何
以爲死者慰而爲生者勸乎余慨然者久之思所以善
其後者故將合祠姓氏刊入州志內擇其事蹟之尤著
者立之傳以俟後之修史者可以得所考據焉此固爲
其不朽者地也又查潁川里九甲豫合德曾入官地四
十畝零三分糧銀一兩五錢三分三釐向在官地丁項
下完解稟夫張有福佃種有稟約附州卷每年租錢十
元串自同治九年余始撥入忠節祠除該祠住持香火
費外其餘十千存錢店由該社紳士經理以作歲修
庶廟貌可歷久而常新而人心亦因時而知感余之爲
此又豈僅爲一時之計哉夫風化每起於人心而忠孝
節義之感尤其情之所不能自己者往嘗見世之談

節者雖代遠年湮之餘而傾耳聽者猶莫不豔而爭之曰某某者是吾鄉之奇男也某某者是吾鄉之烈女也從旁有嗚咽流涕而不能自止者問之則非其祖父即其高曾也觀於此則吾人之所以激厲而獎勵之者又何能有已時也凡爾同社尙其隨時修葺以期永相承於無替云爾是爲記

改建里社祠

官祀之外並有私祀而官爲釐正者明嘉靖九年二月初八日敕諭妨農害義莫甚於釋氏之徒今尤衆焉夫不過以主玄以恐吾民小民愚甚直信無疑漫漫然而不知省至傷倫敗俗廢人事害農業甚是有害世道然驅迫之速必至作害但要牧民之官常加省諭禁戒其未來其被惑者有能舍邪從正都着還做生理須要

從容善誘務使移轉如一府能化二百人以上州一百人以上縣四十人以上者巡按御史奏來否奏采以備考時鈞州知州劉魁遵於是年改無量壽佛爲三賢祠

祀二程夫子並許魯齋其後又改建里社祠自爲記天之道二正與邪而已矣出此則入彼彼盛則此衰自古及今未有並立而能成化者也先王之道熄而佛氏之徒興其上焉者以明心見性不染不着爲宗世之高明之士厭俗學之卑陋喜聞其說謂吾不詭於正道也遂棄其學學焉殊不知堯舜之道孝悌而已矣三代之學所以明人倫也彼其背君棄父絕妻子以自私自其身繩之以先王之道必誅無赦願謂不詭於吾道而學焉亦獨何哉其下焉者肆爲生死禍福之說以聳動愚民謂崇吾教者可以脫離苦海達彼人彼愚罔知以謂必然遂傾心信向甚至破田產以供佛事無所靳惜殊不知死生有命禍福無不自己求之彼其狂言警說以惑世誣民上之人莫之禁下之人又靡然從之於是佛氏

之害相望於天下而其徒衆日甚不耕不織坐奪吾民之衣食其爲害殆有不可勝言者矣天下之人方將沈迷固結而不可解亦猶何哉今聖天子慨然以明先王之道爲己任深知釋氏之害已非一日謂不聞之道何以明乃敕有司勸諭歸正予欽奉惟謹進其徒衆於堂下敷宣救諭謂之曰汝知朝延德意乎以汝輩背君父絕妻子爲傷倫敗俗不事耕織奪民衣食然又念汝輩不幸卽遭父母惑於難養之說送汝出家作爲和尚念頭一差醉夢不醒酒溺蔽固至於如此救牧民官從容勸諭此正汝輩回頭轉念一大機會盍深思乎人生百年歲月幾何不禽獸尙知君父之恩尙有匹配之樂胎卵濕化之傳可以人而不如禽獸衆聞吾言皆爲之色變心動願卽日長髮歸宗以養父母娶妻立業庶不空過此生於是乃命耆老毀其佛像改其寺額爲里社祠以祀五土五穀城隍之神修復鄉社依期而祭祭畢而飲飲畢而誓或者人心有覺道不遠人皆知非鬼異教所不當崇民棄物則家傳人誦油然而生理義之心則彼狂言謬說自將無所用其豚矣孟子曰經正則庶民興庶民興斯無邪態矣吾故記其所由以告來者俾督率之爲世訓云明嘉靖十二年癸巳七月惟良判官肅

寧徐信吏目安
邑錢賓立石

墓祭

禹多前代名賢墓故廟祀以外並有墓祭明嘉靖十年

鈞州知州劉魁有增修先朝名臣墓祭以防侵毀申文

刻於碑開封府鈞州爲增修先朝名臣墓祭以防侵毀

時名臣俱賜葬近故鈞州有蔡文忠公齊墓在永豐

里賈文元公昌朝墓在仁和新鄭縣有魯肅簡公宗

道墓在師固保平康村陳文惠公堯佐兄弟墓在南西

保停驂舖東二里許王沂公曾墓在丁馬保薛村店會

太師公亮墓在西王保歐陽文忠公墓在東郭保又有

鄭子產墓在小丁保唐裴晉公墓在北西保其幸存者

有此至邱壠平夷莫知所在者尙多諸公文章事業載

之史冊炳炳烺烺一坯之土尙在顧子孫無改春秋已

絕祭掃官府無禁樵牧任其縱橫若不預爲之所誠恐

日月云邁掃復淪沒夫馬醫夏畦之墓尙有所主文章

馬原志卷十祀典志

事業如諸名臣忍使陵夷磨滅一至此哉故職於蔡文忠墓責令近民劉廷文賈文元公墓責令近民魯直陳文看守又行新鄭縣於魯肅簡公墓責令近民蘇臣曾本惠公墓責令近民陳騰王沂公墓責令近民蘇臣曾本師公墓責令近民趙善歐陽文公墓責令近民趙肅國正獻公墓責令近民王志愚鄭文正墓責令近民王善子產墓責令近民賈言裴晉公墓責令近民朱彬各看字仍行該縣免其雜差周圍築以垣牆樹石表於墓左外但恐該看守人戶不常厥居而有司督責未至未免徒爲文具欲於明年清明日有司各備三牲祭儀各遣生員一人徑至墓所拜奠庶士民皆知官爲祭掃不敢侵犯是所費不多不惟使諸名臣不爲無家鬼取悲墜人而體魄所藏亦各永保無虞矣緣採增修先朝名臣墓祭以防侵毀事理合關本州煩爲轉達定奪施行等因備關准此擬合就行爲此備申巡案河南監察御史胡蒙批崇祀先賢守令善事如擬着爲儀則督率僚屬人等着實修舉施行間又蒙欽差提督學校河南等處提刑按察司副使楊批據申將以表章先賢禋補風化可謂知先務者依擬行大明嘉靖辛卯歲同知董理判官徐信吏目錢賓立石此碑在城內東北隅

愛祠廢址地

私祀 私祀已見道光朱志茲仍附之而別擇其有考者

三皇廟 城東南隅明嘉靖八年建

東嶽廟 有三一在東關一在順店一在白沙里即今鈞陽里

中嶽廟 有三一在古方山里鎮峯始建無考元至元四

年鄉民李玉重修一在義議里晉村鎮一在錫章里八

里營

洪山廟 有四一在城西南隅一在西關外禁溝北屋一

在鎮定里一甲高劉村一在紫金里二甲董莊高阜上

創建於明萬曆二十七年董九貢作牛廊祠祀亦即洪

山廟也其畧云牛即元末人爲人傭而食牛以耕牛不人與之直不受惟所豆而食牛夫爲人傭而愛人之牛亦盡職矣不受直而拜牛無乃過與彼其一念愛物之仁出於天性非苟焉而已也又曰今之爲人牧者吾感焉受若直怠若事者往往而是安存如牛即之盡職者豈惟怠事且廢削其民以自肥而仇讎視之深負朝廷設官分職之意其視牛即不受直而拜牛不大相徑庭哉云

五龍廟 縣北十五里雷王岡歲旱禱雨輒應

高祖廟 在古東會里文風始建無考明永樂三年鄉人

樊大重修道光志據陵墓志睿穎二陵在禹斷爲後漢

高祖未必然也

柏靈公廟 有二一在古東會里文風始建無考元延

祐九年鄉人常希重修一在古東張鎮錫章里五廟地久惟存一元碑殘缺數字在山志

湫水廟 縣北有宋重修碑金大定元至正明萬曆年皆重修宋太原霍延年陽翟縣舊學鄉湫水廟記西塞之地有滌

水瀟灑湛然人不敢犯其神龍隱伏之奧乎舉其著稱則朝那要册之謂也國家載之祠典崇其封爵何哉水旱瘡疫公私祈謝感有勝蠻馬所以建祠立像欽崇奉事人人恭憚著聞於時陽翟爲古韓國今京輔之大邑近境之北有湫水祠焉連屬三井居常枯涸天澤愆尤則涓涓洽洽流而不竭信其非常井也而答民之祈爲民之福古者傳信甚詳而祀籍且遺圖志或闕以神化之大欽奉薦贊四時不懈焉有王全者項嘗感疾初甚危篤偶夢寐有警遂增開一井尋獲痊復遠近信嚮且不誣矣恭惟神之德化大矣哉易曰神無方無體也不以一方一體而言所謂無不通也無不由也從而論之則遠邇大小一也俾載之於文享封爵於朝則朝那

要冊豈獨擅偉於西塞耶里人右政張真威永錫有倍
奉之嚴而倡諸近鄉得樂輸者遂新其祠像則至和丙
申歲也廟有舊石而無文今丐文以敘其事其施佐之
人皆列序於後至熙寧二年歲次己酉四月一日太原
霍延年記孔
瑋書并篆額

少姨廟 道光志云州東南紫雲里 禮臨里 始建無考宋

咸平二年縣令李昌言重修

山神廟 道光志云州西南西會里 文風 神屋山之上明

永樂二年周王獲騶虞因重修廟宇樹立碑碣

周世子重修神屋山神廟碑 古者諸侯祭封內山川誠

之生祥致福禦災捍患其赫然靈異者既具載祀典祭
饗有壇奠謁有廟神所依撫而人得以瞻仰禮不容悞
也其或僻處遐遠名不登於圖誌事不接於耳目非以
靈異有自則人何由知之而興敬事之禮哉神屋山在

於岳鎮而人跡罕到世未有知之者永樂二年秋有瑞
獸出焉白質而黑文圓首而修尾行則二虎隨之其性
不食生物不踐生草望之雖若悍猛迫之則甚馴擾即
瑞應圖所稱騶虞是也封人來啟其狀父王卜曰往觀
至境計設檻取之越二日雷雨大作逮夜而雲開天朗
獸乃徐步入檻中竟生致之以歸導以鼓吹衛以旌旄
民庶爭先快觀欣踴躍知為太平之上瑞遂馳奏於
朝躬親入貢伯父皇帝謙下自居謂父王忠孝所致御
製金敕加錫禮以褒焉內外羣臣拜表稱賀而茲山之
名一且播於天下矣嘗聞麒麟白澤鳳凰神雀之屬出
則為祥瑞今伯父皇帝在位禮賢郵民仁恩溥洽風恬
俗熙遐方異域重譯來獻和氣致祥騶虞之出固其宜
矣然而寰宇之廣不觀於他境而獨於茲山則神祇之
靈亦有以陰相之也山在本國封內未有祠廟父王既
歸國推本所自實山川之靈產茲瑞獸以為國家之休
徵不可不報乃命工擇地建棟宇設香火安神之靈
禮也廟成謹撰迎送神曲歌以侑之辭曰山靡靡兮水
泠泠神所宅兮山有靈騶虞出兮貢彤庭帝王之瑞兮
協圖與經神有廟兮山之朝出遊兮暮還止俎有牲

兮樽有醴舞雩嗒兮樂聲起雨不驟兮風不顛牛羊在野兮禾黍在田降福趾兮來綿綿

裴山廟 西關外西湖遊覽志曰神張姓諱森相州湯陰

人故有皮場鎮神時為場庫吏謹事神農禱神殺蝎鎮

民德之遂立祠凡疹疾瘡痘有禱輒應宋建廟於汴京

建炎南渡有商人攜神像至杭復立廟額曰惠應俗呼

皮場廟云

金龍四大王廟 西關外道光志云禹無河患其有河神

廟者以地為商賈湊集往來必由河故建廟以祈禱也

白龍王廟 縣西龍池街

黃龍王廟 有二一在縣西北龍潭河一在縣北古韓城

里 錫章里三甲常莊今尚黃龍泉之稱

黑龍王廟 道光志云州南二十里

火龍王廟 道光志云州西十八里

栗大王廟 東關外崔莊清光緒三十年知州曹廣權創

建并撰書碑記 自古冥勤其官禮有明祀豫省河神尤著靈異大王將軍受封號者數十然非

濱河州縣及會委黃流之巨川則神迹罕至焉潁水下

游入淮自許屬小商橋以上向不行船光緒二十八年

開三峯山外務白大吏改修陳許橋梁十餘處以通轉

運就崔莊關船場明年栗大王見於臨潁攷恭勤公嘗

為西華縣令昔年鄭州河決黃水由賈魯灌入周口河

神類見西華今神迹至潁本無足怪聞者或以為異請

建祠埠上崔莊老人翟光順樂捐地東西十九弓一尺

南北十一弓以作祠基祠成亦有神至三日無老於河

禹縣志

卷十

祀典志

四

禹縣志卷十一

謠俗志

古之謠俗登諸輶軒十五國風哀然四詩之首是以夏諺周諺動見稱引凡爲婦孺所共知卽於聖賢有不謬若夫廣谷大川異制民生其間者異俗往往士君子之所畧反爲愚夫婦之所詳亦莫非本諸人情以爲節宣從宜從俗禮有明訓舊志有俗無謠今合爲謠俗志歷古民風得失亦附見焉

謠

天象

農事全賴風雨調順而成故謠語涉此者甚多如八月十五雲遮月防備來年雪打燈九月雷聲發大旱

禹

縣志

卷十一

謠俗志

一百八之類究之天道道人道通非所及也茲概不錄其有理可據者畧見一斑

雨灑塵饑死

人 雲彩往南河漫潭 雲彩往北乾研墨 雲彩往西

關爺騎馬被簑衣 雲彩往東一場風 東虹轟雷西虹

雨 冬霧連陰夏霧晴

地理 嵩山沒有御砦高御砦只到嵩山半重腰二室皆近禹故

禹人爲是言以戒奢望 老山坪戴帽長工睡覺 三山不顯 清

潁津梁 方岡上糞梁北安困 靠山喫山靠水喫水

這山看着那山高 飽山餓城

人物 忠臣張良孝子黃香按張良固韓人黃香則江夏人以其子瓊封郎鄉侯迎養

來此歿葬陽翟今之黃臺其墓地也

倫理 兒孫自有兒孫福不與兒孫作馬牛 兒孫不勝

我要那銀錢做什麼兒孫勝似我要那銀錢做什麼 有

好兒孫方是福無多田地不爲貧 前三十年看父敬子

後三十年看子敬父 教子嬰孩教婦纔來按此二句出顏氏家訓禹

人亦聞而傳之耳顏氏本作教兒嬰孩教婦初來 當面教子背地教妻 萬惡

淫爲首百善孝當先 棍頭出孝子嬌養忤逆兒 逞子

如殺子 千里去燒香不如在家敬爹娘 有兒不過繼

有錢不當地 窮非五子不富富非五子不窮 好孩子不

要多一頂十來個 好兒不爭莊田地好女不爭嫁裝衣

娶妻不要顏色只要賢德 好馬不被雙鞍羈好女不

馬 縣志 卷十一 詩餘

嫁二夫男 嫁鷄隨鷄飛 嫁狗隨狗走 表壯不如裏壯

千年古路變成河 三十年媳婦熬成婆 上陣還是父子

兵打虎還是親弟兄 弟兄都一心 黃土變成金 同居

無私財 除父長兄老嫂比母 若要好大讓小 不知

其人觀其友 君子之交淡如水 小人之交甜如蜜 按此二句

因戴記而小變之也 跟着好人學好人 跟着師婆下假神 在家

不打人出門沒人打 兩好合一好 酒肉朋友米麵夫

妻 此傷末世人情壞也 師徒如父子 好酒好飯待遠親 賊偷火

燒喚四鄰 外甥似舅 親戚莫過財 過財再不來 傷薄俗也

勸戒 世上沒難事 就怕纏磨頭 鐵梁磨繡針 功到自

然成 有智喫智無智喫力 不受苦中苦難得人上人

自己跌倒自己起 休等旁人來拉攏 人往長處看水

往低處流 少年不努力 老大徒傷悲 隨年喫飯隨年

穿衣 年年防儉 夜夜防賊 論喫還是家常飯 論穿還

是粗布衣 沒飯喫問天要 屈死不告狀 餓死不做賊

忍忍忍 饒饒饒 忍字更比饒字高 雞不給狗鬪 男不

給女鬪 富不給窮鬪 窮不給急鬪 喫虧人常在 便宜

中有虧 小心沒大差 忙中有錯 長到老學到老

經一事長一識 經過必改 安心人不知 取必己不為

人怕沒臉 樹怕沒皮 能給君子牽馬 不給小人墜蹬

官不保人私不保錢 一人不進廟二人不看井 能
管千軍不管一社 事不干己休出頭 我過去也教人
過去 害人如害己 聽人勸喫飽飯聽人吡抱着瓢
喫人的嘴軟拿人的手軟 善有善報惡有惡報若還不
報時辰沒到 惡人還有惡人磨 刻薄成家必出浪蕩
之子 姦近殺賭近盜貧怕懶富怕貪 貪人還自賊
賊人膽虛怕處有鬼 家家門口通北京 君子一言駟
馬難追 鼻子下有嘴 秘人沒好話 牆裏說話牆外
聽 借錢不過月過月沒話說 錢出急家門 親是親
財帛分 一文錢難倒英雄漢 銀錢世界 富者貧之

怨 有君子嫌君子無君子想君子 好漢不當兵好鐵
不撻釘人到兵上鐵到釘上

頤養 笑一笑少一少惱一惱老一老

寓言 順水推舟因風吹火 出水纔看兩腿泥 水深
人不過 瓦罐終在井上破 扶轆轤不扶井繩 牆倒

衆人推 一個和尚挑水喫兩個和尚擡水喫三個和尚
沒水喫 膺一日和尚撞一日鐘 一個把掌拍不響

能拿肢膊向外撇 撒鹽撒到醬缸裏 在家打車出門
合轍 能教使死牛不教打住車 有麝自然香不用大

風揚 貓狗識溫存 狐羣狗黨 蠓蟲過去都有影

魚幫水水幫魚 大樹底下好喝涼 樹葉還落樹底下
樹不焦枝磨破天 花俊不結子

農事 衙門錢順水船生意錢六十年莊稼錢萬萬年

莊稼不用學人家怎着也怎着 地過千年換百主 大
富在天小富在做 買賣一大片爭爭一條線 整年讓

路不失一步整年讓畔不失一段 巧犁耜趕不上拙上
糞 種地不上糞只落瞎胡混人家打糧食自己跟着問

有錢放賬不如上壯 一畝園十畝田 多不如少少
不如好 十年岡窪一樣收 麥收八十三場雨

謂八月
月三月也 十月雪是麥裏被好教蒙頭睡 麥收三月雨還要當年

湯 三月不壓場麥子土裏揚 清明前後埋老鴉穀雨

前後種綿花 棗芽發綿花甲 小滿不見苗開花不結

桃謂棉
花也 見子不顧苗 麥到芒種生熟齊弄 鋤頭有

水杈頭有火 有錢買子沒錢買苗 掏錢難買五月旱

六月連陰喫飽飯 頭伏蘿蔔末伏芥中伏以裏種白菜

天河掉角撈飯豆角 處暑不出頭只中割餵牛 莊

稼就怕騎秋旱 蕎麥末梢田獲住喫半年 天河東

西收拾冬衣 參不落地不凍有子只管種 今年下琉

璃明年喫稠哩 莊稼老兌了糧請膺自在王

商業 生意好做夥計難攬 緊莊稼漫買賣 若要發

生意交莊稼 屯遲賣快 貨真價實 百里不販粗

工業 巧主家拙匠人 長木匠短鐵匠

童謠

芝麻葉黃厥厥有後娘就有後爹 戒暱後婦也 可懊

可懊娘炒麻子誰知道 傷後母也 聽見秋蛤叫就把

大嫂嚇一跳鞋底尙沒扎還得做棉襖 勸勤婦工也

盤脚盤盤三年三年滿頭髮轉鼎脚爐脚行蓮蓬骨朶 言

修養也 撻撻撻釘子拼慳家火星子教慳躲慳不躲燒

着花裙不怨我 勸聽忠言也 八十老翁進花園手把

花枝淚漣漣花開花落年年有人老那能轉少年 傷遲

暮也 片奶奶黃巴巴參織布娘紡花小閨女撻羅夫胡

啦啦 勸勤紡織也 拐棍一拐棍一萬貫家產我置哩

拐棍兩拐棍兩我比誰人都要强拐棍三拐棍三惹的一

家不待見拐棍四拐棍四我是媳婦眼中一根刺拐棍五

拐棍五一身圍着半截土拐棍六拐棍六混身骨頭沒有

肉拐棍七拐棍七丟下拐棍受不哩拐棍八拐棍八萬貫

家產都撇下拐棍九拐棍九我與兒孫分了手拐棍十拐

棍十一頭插到地裏池 教孝也 桂花香桂花黃夜夢

嫦娥到書房他勸我好好讀書休把光陰曠白的也香黃

的也香不論年少與年長誰肯讀書把花枝插到誰頭上

勸讀書也 石榴花滿牆托大嫂權確二嫂簸三嫂拿
 起鉤擔去挑水井臺高望見娘家柳樹梢闖女想娘誰知
 道娘想闖女哥來叫 思歸寧也 咯咯天明啦一盆菊
 花開成啦爹一朵娘一朵剩下一朵喂鸚哥喂哩鸚哥飽
 噉噉向他老娘家住一春老娘看見老喜歡姪子看見耿
 一眼姪子姪子懶休瞅豌豆開花俺就走 情有親疏故
 愛有差等也

俗

冠禮廢三加之禮不舉而以婚禮告廟行之故男子成室
 俗謂之成人

婚禮遣媒通言許婚然後納采納幣親迎親迎之禮有行
 有不行貧家女幼送之夫家名曰童養或年已及笄遇舅
 姑並亡則於新喪三日內成婚蓋託於父母之命之義名
 曰靈前婦其最普者定婚多在幼小名曰娃娃媒總緣論
 戶不論人其弊也至於男女才性善惡一任之命數而人
 無所用其智反藉以委其責

喪禮棺尚松柏次用梓桐三日成服戚友弔以香楮統散
 孝經稱情厚薄不用僧道追薦而七七哭奠其弊也飲酒
 食肉作樂燕賓不以爲怪

祭禮除二三故家大族外不立家祠皆祭於寢歲時及生

忌日俱設祭有薦新亦如之尤重墓祭清明中元十月朔凡三次兄弟無子必爲立後其弊也不爲立嗣專爲爭產不論本支或獨子長子爭圖絕產動以興訟

歲時元旦早起新服盛饌祭祖考迎神少長以次拜賀親友相謁名曰拜年上元夜結采張燈放爆競雜技遊戲名曰鬧元宵越三日亦如之謂之過燕九清明插柳於門展墓添新土端陽天中節食角黍飲雄黃酒門懸艾虎插艾葉以釋毒小兒戴五色線辟兵符六月六日曝書及衣七月十五日墓祭八月十五日設月餅瓜果祭月親友相饋遺重陽登高飲菊酒食糕十月一日墓祭用油餅以紙爲

衣焚諸墓曰送寒衣冬至民間食水餃名曰禦寒士大夫相拜賀曰拜冬十二月初八日以米豆果核爲粥曰臘八粥二十三日設糖餅芻豆祭竈謂之醉司命明日掃舍宇除夕門易春帖換桃符親友互送節禮家長以錢分予卑幼謂之壓歲是夕爆竹達旦

禹本夏國夏人尙忠猶有先王之遺風而其敝鄙樸

漢書地理

志春秋櫟爲鄭別都南蔽楚數被兵吳札聞鄭之歌曰美

哉其細已甚民弗堪也櫟雖無詩要亦鄭類也韓滅鄭而

都之其地險惡山居五穀所生非菽而麥民之食大抵菽

飯藿羹一歲不收民不饜糟糠

史記張儀列傳

農產不足以贍而

濟之以商俗雜好事業多賈其俸俠交通潁川故至今

之夏人史記貨殖列傳民尚武勇天下之彊弓勁弩皆從韓出

子少府時力距來者皆射六百步之外韓卒超足而射百

發不暇止遠者括蔽洞胸近者鏑弇心以韓卒之強被

甲蹠勁弩帶利劍一人當百不足言也史記蘇秦指秦列傳

摩之辭而韓當秦衝其日驅民於戰故有以漸之也秦滅

韓置潁川郡漢興士有申子韓非刻害餘烈高仕宦好文

法民以貪遴爭訟生分為失漢書地理志而尚游俠陽翟薛

與代諸白梁韓母辟陝寒孺以俠出劇孟後顯名景武間

漢書游俠傳豪傑大姓相與為婚姻吏俗朋黨原褚宗族尤橫

恣太守趙廣漢既誅原褚首惡郡中震栗又教吏為鉅簡

及得投書削其主名而託以為豪傑大姓子弟所言其後

彊宗大族家家結為仇讐姦黨散落風俗大改漢書趙廣漢傳

漢令吏民相告訐一切以為聰明潁川由是以為俗民多

怨讐韓延壽為太守更之以禮讓黃霸代延壽因其迹而

大治漢書韓延壽傳霸力行教化而後誅罰治為天下第一孝子

弟弟貞婦順孫日以衆多田者讓畔道不拾遺養視鰥寡

贍助貧窮獄或八年無重罪囚宣帝下詔褒美漢書黃霸傳俗

尚朋黨廣漢誘之以傾軋民相告訐延壽化之以篤厚黃

霸因之所謂再變至道也君子之德風也小人之德草也

信矣

漢書地理志

哀帝時陽翟大俠趙季李欵多畜賓客以氣力漁食閭里古詩曰趙李相經過卽其人也時法網嚴密強吏類以誅鉏豪俠爲名高太守何竝治其罪而以爲姦人婦女持吏長短負王法此當日獄辭或非其實乎原涉自其祖父以豪桀自陽翟徙茂陵至涉復以俠顯王莽時與陳遵並爲里俠魁光武中興盜賊再起再平潁川輕剽天下未定易發好亂光武以經術緣飾吏治郭伋任廷秦彭相繼爲守益安靜之民悉更化士篤守儒術抗節憂時疾惡慕忠讜觀孔融汝潁優劣論潁雖不及汝亦其次也而郭氏獨以法學起家郭宏習小杜律爲決曹掾斷獄

至三十年用法平爲宏所決者無怨情郭躬少傳父業講授徒衆常數百人郭氏自宏後數世皆傳法律子孫至公者一人廷尉七人侯者三人刺史二千石侍中郎將者二十餘人侍御史正監平者甚衆

後漢書郭躬傳

一家自爲風尚亦

一異也延至漢季潁益多奇士司馬徽徐庶郭嘉趙儼辛毗之倫皆有顯名而邯鄲淳繁欽則以文辭著豈非光武經術造士近依帝京觀感漸摩之效歟潘崇和曰汝潁之士利如錐燕趙之士鈍如錘信非虛也晉政不綱士甘肥遁若盧損庾袞退隱不仕周處記風土以爲士風端愿民俗勤勞有巢許清節之風焉劉石構亂元魏佞佛上下同

敝俗無可言惟惑果報捐金禮佛造石像求福田而杜氏造像頌有曰邕邕此邑濟濟仁林英烈比肩禮讓爲心其然豈其然乎隋一南北大亂之餘好尙稼穡重於禮文其風俗皆復於古隋書唐尙科舉重門第自郭孝恪褚遂良陳貞節外無聞人而劉況一家累世簪纓多明經登第至其墓志則稱彭城人夫人署滎陽鄭氏皆舉郡望而不著本籍是則重門第之弊也俗崇浮屠與元魏同天寶十四載十二月安祿山陷東京河南諸郡皆降賊是時具茨寺造經幢猶侈言陀羅尼經離苦消障功德無量焉當武氏篡唐獻媚女王紀元則用改造新字武周張處道妻造像記稱大周鑿歷元季乃宗

秦客改造新字證爲鑿聖爲歷年爲季稱妻則爲夫君禁溝新出孫氏墓志勢利所劫

三綱淪矣終唐之亡而風節不振是雖微細觀局可以知通也五季俶擾宋與其俗一變洛邑爲天地之中民性安舒而多衣冠舊族然土地褊薄迫於營養盟津滎陽滑臺宛邱汝陰潁川臨汝在二京之交其俗頗同宋史地理志陽翟

山水清奇附近帝畿士大夫尤樂居之於京西爲最盛陶穀楊億並置莊舍別墅而田況遂占籍焉蘇轍買田陽翟蘇詩次韻劉湜詩自注宋祁鮮于侁鮮于綽畢仲游張宗諤張耒等

咸寓陽翟有名蹟當是時許洛兩都爲士大夫之淵藪黨論之興指爲許洛兩黨崔鷗陳恬皆戊戌生田晝李廌皆

己亥生並居陽翟時號戊己圃先生以為許黨之魁墨莊漫錄

許黨者陽翟時隸穎昌故也里中多豪傑之士若孫甫張

昇張克公曹組曹緯曹勛文章經濟照耀一世或以為穎

昌富文物崔鷗陳恬猶為下士雪浪齋日記宋既南渡隸金版

圖改鈞州景氣清澂淑覽高曠豫州諸郡莫與為比號為

東望宣宗貞祐間參軍李麟避兵渡河僑寓此州樂其風

土將終身焉元好問友山亭記而元好問李獻能李遙李純甫王

鬱等皆寓鈞三峯山之敗州遭兵亂雖城郭粗立才殘民

數百家而已元重道教築宮度人在在皆是王公大臣爭

為外護百年以來獨步中夏雖有佛教莫克與敵長春觀重建玄

元殿碑

九儒十丐儒益為世賤雖數修儒學而士風不振惟

余闕一記足為泮宮增輝矣金元之際寓賢實多而土著

無聞蓋故家大族隨宋南遷其遺民畏虜暴烈無力辟地

苟且度日宜乎學殖日落風流闐寂如斯之極也明重科

舉高仕宦綜一代進士三十六人鄉舉百五十有五人登

臺閣任封疆類以事功治績顯或傳王述古及弟則古未

達時讀書西南城上手指城外梁北坡田日盡在吾書中

矣馬時芳歸途日記父詔兄勉傲精竭神以致力於舉業者其風

尚概可知已成化間徽藩既建宗子繁衍郡王十七朱邸

崇樓連雲充闔日暮笙歌達旦不休奢靡之習漸於闔里

范崑禹州志序非縉紳之家皆門懸諸王示而依附之人事奔競

喪葬浮華圖書集成職方典風俗考及遭亂寇城郭墟礫田野榛莽清

興遺民千四百口喪亂餘生士淡於仕進多藝花種竹好

詞賦而耽麴蘖帖經之學非所屑意全軌巢父洞詩序農則土客

參居闢萊斬荆地曠人稀咸安耕鑿自順治訖乾隆舉甲

科者僅二人劉湛及子玉威以詩學為後進倡其時陳鳴

皋周德滋趙冬晟馬淑楊景時董祚宏等相率而和之皆

不汲汲當時之間達而惟山水詩酒是娛郝全軌曰甚矣

禹多君子也時人為之諺曰前邨周夫子蒼佩劉先生謂

德滋與玉威也乾隆以降草萊益闢重以藥市人稍習質

選逮清末造閭閻殷闐號富庶毗縣莫與耦俗漸奢靡富

室競飾車馬誇鄉里不論農商皆喜徵歌舞賽會相娛樂

歲無虛日則都鄙同傲焉士專習帖括寡聞見惟觀耜園

馬氏余樓余氏則嫻辭章治理學累世不絕而樊進士海

瀾以博雅教士士識為學塗徑一洗百年之陋固晚清一

大師也其人率畏官而守法硜硜自守不問公事為品高

長吏雖不肖在禹皆能其職若馬時芳參知州熊之書軍

禦郊寶教匪連雲鵬與長葛訟驛站百餘年來亦僅矣清

懲明鄉紳之橫箝制士氣其反也人失羣性隱情惜己自

同寒蟬此杜密所以非劉勝也風俗美惡升降類非蚩蚩

者所能爲也有賢吏以道於上有文儒以持於下樹之風聲蒸爲習尙記曰化民成俗必由於學豈不然哉光緒之季知州曹廣權以民俗者愛國合羣保種之基也乃刊訓俗書擇要以教民其序文曰嘗聞今世有心人之言曰愛國也合羣也保種也之三言者現象不一亦各考其社會程度而知之矣蓋合父子兄弟夫婦而有家於是有宗族鄉黨合鄉黨而有州縣推而至於天下與同種之種族皆一身一家之體積也我中國黃帝堯舜神明之胄四百兆人心之性質豈與前古殊哉風俗之敝中於人心人心之害特於私利知己而不知人利之所在相傾相軋甚而同

鄉共里不遑顧也甚而父子兄弟不相善也爭產爭繼者接踵也祭葬慎終追遠之義不講一切型家善俗不修也不知仁親安問合羣不合羣矣何有於愛國何有於保種禹州土地夙饒風氣初開近者如哲學如格致學算學政治學秀髦之士亦漸知考驗矣而統觀社會進步於所謂愛國合羣保種之程度相去蓋遠書曰正德利用厚生竊以爲財者厚生利用之資也不知生財大道不足與治知生財矣不知正德所謂爭民施奪生烏乎厚用烏乎利誠知利用厚生本人情之所同欲相愛相讓相保乃天演之公理將人人親親長長推其養生送死之心以其習於勤

業共安於飽煖各引爭奪爲深恥風俗爲已任雖所詣不同而羣歸厚庶乎本立而道生矣豈一身一家之事也哉廣權不德三年於茲無補於治竊有見於此學堂之外未能戶曉業將地球韻言中國地名韻語小學韻語五種遺規史鑑節要散分鄉社而訓俗之書如楊園訓子喪祭雜說月川家規輯畧淺近切實正大尤與家人婦子相宜爰擇要節錄亟爲排印以當條告願我士女勿以爲常談而玩忽之當身體而善推之因而博學以企至於愛國合羣保種之目的孰謂匹婦匹夫不足與盡天下責耶

以上均訓俗擇

要序今並採錄於篇以無沒賢牧苦心且使有轉移風俗之

責者藉以興焉

禹縣志卷十二

宗教志

世有無政教之國未有無宗教之國無宗教則其民渙而政教之國亦不廢宗教者所以補刑賞之不及也聞之夏曾佑博考宗教將資以爲興治諮於嚴復復曰治益進則宗教益衰今泰西皆講斯賓塞爾之術吾子之道左矣曾佑大悟而前所博考亦不忍棄乃反用之以攻宗教然則宗教者固爲愚民設也而禹儒馬時芳曰神道設教欲人慎獨也是又上哲所要需也惟佛有曰闢我者迂學我者愚一切鬼神作如是觀朱志僅名寺觀茲廣及耶回從新

義命曰宗教

天甯萬壽寺

縣西北隅魏時建宋崇甯元年重修金末燬

五年賜崇威符檢一道內有宋仁宗御書天竺唵解但囉

字喝按道光志金石篇已稱石不存清劉湛詩寂寂花林

暗餘香滯晚亭夕陰千樹合落日半峯晴蝶困

仍留夢鶯嬌不度聲祇園經過處猶自擁褐行

東南隅明宏治年間徽藩奉敕初建舊志曰明嘉靖年敕

修誤清正陽吳清俊遊山記畧廣通寺有彌勒應真摹像

下列徽府長史典寶儀賓諸官及退隱者宿比丘僧眾而

所謂門徒者名皆三字如滿太虛竺普門雪月崑秀南山

春和風玉無瑕明月珠壽無量進無極之類凡數十眾頗

新奇或曰宮人之受戒者其讚頌工為金臺董大章撰詞

曰這箇模樣雍雍和暢圓頂方袍提囊曳杖混沌一氣包

涵萬象金堂瓊樓花街柳巷嘻笑自如由他訕謗出世於

四明山中歸真於兜率天上知者以

為彌勒尊師不知者以為布袋和尚

法融寺縣西南古仁和里文風里七甲魯子趙唐開元十

七年道宣律師初建元末燬明洪武十七年重建

金仙寺縣西南文風里二甲三峯山

崇音寺縣西南古東會里文風里甲金荆背陰寺

南文風里三甲三善財寺縣西南文風里無量寺

峯山陰楊店東嘉靖十一年知州劉魁改為甘棠書院後復

柏里四甲明嘉靖十一年知州劉魁告文刻石猶存寺內

德寺

縣西南文風里七甲傳莊宋初建

宋初散大夫賈寶壽寺縣西南古南柳里萬柏里甲劉

公述墓志銘

僧圖成白佛寺縣西南古南柳里文風里三甲潤頭河宋

南興國寺縣西南古大儒通明寺縣南關西門外初建

殿寺縣南萬柏里十甲邢家梁北寺縣南萬柏里三甲張得鎮舊志張

縣南古仙棠里子房寺縣南萬柏里三甲張得鎮舊志張

萬柏里四甲

禹縣志

卷十二

宗教志

二

房明嘉靖十年知州鎮地寺縣南萬柏里一甲王集西偏
劉魁改為里社祠縣南禮臨里七甲金大定年間初
至正間南觀音寺建金末燬明洪武十三年重建
改爲寺南觀音寺建金末燬明洪武十三年重建
寺縣南古晁喜里禮臨里五年甲姚召村始建
無考元末燬明洪武十五年僧文淵重修水陸寺縣南
里七甲卷劉村始建無杜岡寺縣南禮臨里二甲孫莊西
考清乾隆年間重修魏翔建有西魏時杜氏造
像隋大業二年洞林寺縣東南古琅城里穎川里六甲寺
賜名靈感院縣東南古琅城里穎川里六甲寺
祈臺寺七甲穎水東崖迴龍寺清順治年重修內有大悲
佛銅像永國寺定里四甲王莊崇福寺縣東古黃臺里
丈六高永國寺定里四甲王莊崇福寺縣東古黃臺里
臺街初建無考明萬曆隆興寺縣東古永安里鎮定里八
年重修清乾隆年間重修隆興寺縣東古永安里鎮定里八
建元至正僧顯慶寺縣東北古司馬里紫金里七甲古城
福會重修顯慶寺縣東北古司馬里紫金里七甲古城
金石具茨寺縣北朱弁曲洎舊闕曰具茨山有具茨寺
志其中木曰槐三香詳物產志寺今不存

福寺縣北錫章里五甲蔡寺鎮寺爲宋丞相蔡確墓前香
寺今所詳劉湛重修洪福寺天王殿記惟記以爲蔡文忠
公齊墓殊誤按齊墓在縣西駐駕山蔡寺非此蔡寺也寺
內有確幼子蔡皋婦吳氏墓志銘北觀音寺縣北古東張
可證現尙銜佛殿前西廡壁上北觀音寺里錫章里五
甲北興國寺縣西北古東張里錫章里五
裏村北興國寺縣西北古東張里錫章里五
陽里三甲陳莊宋太平興國年間初建石門寺縣西北書
金燬明洪武二十三年僧福定重建石門寺縣西北書
張里錫章里土城寺即永聖寺縣西北古東張里錫章里
八甲今廢土城寺即永聖寺縣西北古東張里錫章里
明洪武二十二年僧秀水磨寺縣西北古東張里錫章里
縣西北古高臺里鈞陽里六甲大龜山南隋開皇十三年
初建金末燬元至順四年僧元諫重建明洪武元年僧崇
威重修朱弁曲洎舊闕曰龍福寺有禪師祠堂塑像是真
身臘者五人侍左右又曰龍福寺又有鼠善食竹筍僧置
鼓驚之謂之驚鼠鼓又曰銀杏出宣歙始惟北里園中有
之見於歐梅倡和詩今則纖甸處處皆種子游陽翟北四

十里龍福寺寺在趙化南亂山中佛殿前有數樹樹大出
星而不結實同游朝散大夫許和卿同叔言木自南而北
者多苦寒有一法於臘月去根傍土取麥糠厚覆之火燃
其糠俱成灰深培如故則不過一二年皆能結實若歲用
此方則與南方不殊亦猶人炷艾耳內有上龍潭寺縣西
明永樂八年周王造白石佛像高八尺
仁義里鈞陽里十甲三磴山上北齊初下龍潭寺縣西北
建元末燬明洪武二十二年重修今廢
里鈞陽里十甲三磴山下宋初建九山寺縣西鎮峯里一
明洪武三年重修內有宋刻石幢九山寺甲禁溝魏書地
形志曰陽翟有九山祠水經注曰城西側水有九山祠碑
後廢明嘉靖二十一年僧圓才重建明徐明善詩西門
聯絡九山橫日暮回巒返照生煙鎖亂峯連復斷霞臨寒
谷晦還明樵迷幽徑披雲度鳥弄餘暉繞樹鳴清景無邊
何處看都將收拾壯嚴城清楊景時詩古寺臨高岸興
來攜酒過庭間人跡少院冷夕陽多雁影落沙澗山光入
碧波眺臨空有眼明寺縣西古孫陽里鎮峯里三甲順店宋
意悵望欲如何
重石佛寺縣西古仁義里鎮峯里九甲神林店始龍泉寺
建無考元末燬明洪武二十年重建

縣西古恩池里鎮峯里八甲唐莊湧水北崖寺東有泉曰
烏龍泉清竇豐李子漢烏龍泉詩山水芙蓉鏤芷多光不
停秋水沉宿莽曉色湛寒星潛甲源頭活清涼寺縣西鎮
吹涎石髮醒禪機淡亦得或化老人聽
甲玲瓏堂後周長安三年初建元末燬明洪武二十年正
重建嘉靖十年州人張鯤改爲輞山書院今復爲寺
覺寺縣西義讓里五甲益元村宋時建元末燬明洪武六
年僧洪保重修弘治五年僧玄昌重修清雍正十三年
年重修寺內有井曰正果寺縣西古永豐里義讓里六甲
聖水井禱雨恆應正果寺塢頭墟北齊時初建內有大
齊施地記刊石宋景德元年金玉泉寺縣西義讓里彌陀
大定三年明萬歷年重修
寺縣西古湧泉里義讓里十甲磚橋宋文殊寺縣西古清
里八甲文殊店金初建元末燬明洪武間僧行圓重建
僧南宗重修清乾隆年間知州梁公因寺建藍陽書院碑
今尚存內有白石佛像高八尺餘及明太師馬文升書碑

清徽萬壽宮 縣治西南隅漢光武帝時建金燬元至元十
寇得真重修宣德八年道土蕭淳古重修嘉靖十八年知州
劉魁請改置為宗學撤三清像內有光武敕書玉璽之文
今復為清鈞陽宮 縣東南禮臨里十甲祈莊始建無考明
徽萬壽宮 天順六年道士道然重修弘治八年重
修鈞陽宮記 存真宮 縣東鎮定里六甲訾崖金至大四年
為馬文升書 道土趙至廣翔建明永樂元年道士
揚立重修 明知州劉 遊存真宮二律策馬東門去尋春
頽水邊驚魚豈外物花柳亦吾天伯子偷間向堯夫觀物
篇箇中能契者不作景留連雨過風塵淨春來草木鮮開
遊豈不可妙景况無邊古洞石猶在存真妙不傳壁間留
石刻猶自恨當年 明郭學書遊存真宮詩仙翁河上小
宮幽十日還尋九日遊 猶有黃花香不減老人吟嘯故遲留
林邱斜暮此名幽 穎曲招尋亦壯遊 醉裏狂歌君莫笑百
年今有幾人留 清北平韓鼎業重九後一日遊存真宮和
郭太僕韻重陽擬向此尋幽風雨掠人故倦遊今日賢豪
同載酒依依猶為晚香留先生曾愛穎濱幽百載慚予續
勝遊追憶峴山悲感 惠通菴 縣東北隅原明連格 準菴菴
句芳蹤終是解人留

縣東南隅始建無考清巡 太平菴 縣南文風里一甲三峯
道沈奎題額曰密印圓通 山陰明徽藩榮陽郡王
戴彭建其西為明侍郎任洛西溪書院東有巢父洞留侯
洞雲影堂擅竹林泉之勝 清浦縣閭爾梅遊太平菴詩
怪卉蒙幽壑深山獨自僧四圍霜葉岸一架木香柳味火
能藏石空牀不掛繩 珈跣西閣上窗月與傳燈 馬時芳讀
書於此馬時芳詩蒼苔碧草澹生煙雲影堂開大地偏雙
柏凌霄盤鍊幹三峯回首抱金仙 逃名巢父君臣薄輔漢
子房忠孝全昨日光風今日雨空山獨 圓通菴 縣南文風
自記華年光緒三十年改實業學堂 獨 縣南文風
和六年心經碑 福林菴 縣南萬柏里九甲三峯山陰 朝陽
菴 縣西南文風里 甲道士志超 長春觀 縣東南隅元至
德元 崇玄觀 縣東南穎川 道遙觀 縣西北崆峒山錫章里
重修 崇正觀 縣西鎮峯里 大清觀 縣西
詔知州壽致蒲重修 崇正觀 縣西鎮峯里 大清觀 縣西
讓里七甲角山宋宣 石佛堂 縣署東明徽藩 眼明堂 縣治
和中建見清一統志

建無考清康熙三十二年知州劉國儒增修玉皇閣縣南玄帝閣縣東呂祖閣縣南初年東南穎川里四甲杜莊清順治玄帝廟縣西關祖師廟縣西關廟縣西北鈞陽里六甲婁敬山上一在縣東南穎川里三官廟縣西南隅明正德年建

右道教

城內清真寺朝陽門內清乾隆十二年磚橋坡清真寺縣南禮臨里二甲清嘉慶五年東劉莊清真寺縣東南穎川里三甲回民四巴莊清真寺縣東南穎川里四甲清乾隆四十年棗園清真寺縣西清真寺縣東北紫金里八甲清乾隆四十年皂角坪清真寺縣西義讓里五甲里十甲清嘉慶十二年始建無考回民五回民四十餘戶

十餘戶 磨河清真寺縣西北鈞陽里五甲清嘉慶年間建回民二十餘戶

右回教

天主堂 一在城內南街清光緒年間設 福音堂朝陽門內 一在縣北錫章里五甲岳溝民國二年

建

右耶教

